

16  
D. D.  
DISSERTATIONEM MEDICAM,  
QUA

**MORBI ARTIFICUM  
LEVITER ADUMBRANTUR**

CUM CONS. NOBILISS. FACULT. MED. AD  
REG. ACAD. UPSAL.

**PRÆSIDE**

*VIRO NOBILISS. ATQUE EXPERIENTISSIMO,*

**CAROLO  
VON LINNE,**

M. D. EQUITE AURATO DE STELLA POLARI,  
MEDICIN. ET BOTAN. PROFESSORE REG. ET ORD.  
ACAD. SCIENT. PARIS. UPSAL. HOLM. PETROPOL.  
BEROL. BERNENS. IMPER. LONDIN. ANGLIC. EDINB.

MONSPEL. TOLOS. ET FLORENT. MEMBRO,  
IN AUDIT. CAROL. MAJ. DIE XV. JUNII,  
ANNI MDCCLXV.

*HORIS ANTE & POST MERIDIEM SOLITIS*

PRO GRADU DOCTORIS,  
PUBLICO SUBJICIT EXAMINI,

**NICOLAUS SKRAGGE,**

MED. AULIC.

*VERMELANDUS.*

---

UPSALIÆ.





B. C. D.

§. I.



pecimen Eruditionis Medicæ publicum edituro mihi, **MORBOS ARTIFICUM** brevi dissertatione pertractandos, Illi, Quibus parere debeo, commendarunt; præcipue, cum in officio, quo apud Regem fungor Clementissimum, magna hominum etjam artibus manuariis dicatorum multitudo, meæ sit curæ atque fidei commissa, quotidie. Adeo vero solide hoc argumentum ab Italo doctissimo *Ramazini* in suo, de Morbis Artificum, libro, est elaboratum, ut maximi Idem, a Medicis habeatur prætii. Cum autem hic liber rarior sit atque difficilior, quam ut vulgo inservire queat; ego, non tantum optima quæque ex hoc opere seligere, sed meas quoque & aliorum addere observationes, quas in arduo hoc argumento, & plurimum omnino operam ad perfectum



tum fastigium poscente, Ramazini reliquit intactas. Hoc enim argumentum, non modo Artifici cuique, suo in artificio cavendos, determinet, sed & apertius, quam alia quævis experimenta diætetica, errores inde fluentes detegit, unde causas morborum proximas, in praxi medica tantopere necessarias, expiscari licet.

## §. II.

Artificia ut discant juvenes, serio est urgendum: Ars enim honesta, Thesaurus est, quæ, cæteris licet deficientibus, cultorem quavis in terra alit certissime. Captis Nostratibus, sub infelici cum Russis bello, in Siberiam abductis, profuit valde artificium in juventute perceptum: Qui vero nullam didicerant artem, misere plerumque perierunt. Capti a Barbaris, si artificio quodam fuerint instructi, tantam per aliquot annos conquirunt pecuniam, ut ipsi, soluto prætio, in libertatem sese vindicent, aliis, sine lytro, ad pecora pascenda relictis. Quin & Turcis, nobilitate hæreditaria non superbientibus, artem profiteri non inglorium est. Atque ut longinqua mittamus, in Patria nostra Pistores, Sutores, Sartores, Cuprarios, Cerevisiarios, Laniones aliisque locupletari videmus, licet cum magnatibus curru certent eorum Uxores & liberi; palatia sibi instruunt honorifica, cum alii, Scientias eruditas multo sudore multoque labore edocti, multis in rem literariam meritis, vitam vix sustineant.

*Frangere leves Thalamos, & scinde Thalli libellos,*

*Si dare futuri calceus ille potest.*

Inde ejam nobilissimi quique nostrates priori seculo,



lo, cum Scientiis, artificium aliquod addiscere, plerumque filios jusserunt, & Nobiliores Angli, qui nobilitatem & prædia, ad filium tantum natu maximum propagant, ad artificia cæteros, tanquam ad Asylum certissimum, ablegant.

§. III.

Cum adeo multa sint opificia, exercitiis & subiecto mire diversa, idemque opus sit quotidianum, fieri non potest, quin ex errore diæterico, Artificio combinato, nisi caveas, multi oriantur morbi, id quod manifeste docent experimenta, sicque Opificibus idem, quod Bombyci, convenit Emblema:

*Arte perco, tumultum mihi fabricor ipse.*

AGRICOLAS primo loco adferam, quia eorum ars omnium est præstantissima, eorumque producta, cæteris sæpe vacantibus, emtores inveniant. Est hoc studium maxime naturale, varium admodum, simulque gratum. Naturæ legibus probe edoctis, nova heic quotidie inventa sese offerunt, humano generi profutura. In prædio acquirendo pecunias qui collocat, hypothecam habet certissimam; ædificiis enim exustis vel direptis, terra tamen remanet. Viri maximi, muneribus splendidissimis fatigati, asylo tandem in senio rure quæsito, delectationem simul, & victum obtinuerunt.

*Similis* (Adriani Præfectus), muneribus diu clarus, ultimo hanc felicitatem attigit, suoque monumento hoc inscribi jussit:

*Similis heic jacet, cui ætas multorum Annorum fuit,  
Septem duntaxat annos vixit.*



Heic tandem post multas curas quiescere, heic liberiori & salubriori, quam in urbibus aëre, dapibusque incertis & simplicioribus, atque adeo ad sanitatem conservandam aptioribus, frui licet.

*O Rus, quando te adspiciam, quando licebit*

*Nunc veterum libris, nunc somno & inertibus horis*

*Ducere solcite jucunda solatia vitæ.*

RUSTICOS, quibus quotidie laborandum, & minimis suorum laborum fructibus in proprios usus retentis, canendum, *Sic vos non vobis*, ex fassamentis, quibus apud nos vesci solent, vexat *Scorbutus*, *Erysipelas*, *Cacoëthes*; Sudor, qui laborantes exsiccat, fibrasque reddit rigidiores, falsis junctus alimentis, *Osteocopus* adfert & *Ischiadicum* dolorem.

A multo labore exsiccante, cum paucis somno, aquæ potu & abusu spiritus frumenti, *Melancholia* generatur sæpius. Aquam plerumque potantes & parum dormientes, macri evadunt.

HORTULANI, per totam æstatem soli exurenti expositi sudore & æstu exsiccantur, & perinde atque Indi, fiunt *melancholici*.

LITTERATI, ut studiosi, Theologi, Professores, reliqui, a loco incluso sæpius *Phthisici*, a pressione abdominis, *Hypochondriaci* & *Obstipati*, ab objectis albis, ut papyro; *Myopes*, a quiete, laborant *Anorexia*, *Macie*, *Scabie*, *Scorbuto*, *Melancholia*, a meditationibus denique afficiuntur *Agrypnia*, cumque hoc sit exercitium ipsius cerebri, id multum pressum, tandem magis, indurefcit unde Plinius L. VII. 50. C. recte dicit, *Est etiam morbus per sapientiam mori*:



MATHEMATICI & PHYSICI, ex profundis meditationibus, demum *Obliviosi*, *Ignavi*, *Veternosi* & in rebus humanis hospites.

MEDICI, a conversatione cum ægris, morbis maxime *Epidemicis* grassantibus, *Peste* sæpe, *Petechiis*, *Dysenteria*, *Hæmorrhæa*, *Tussi* inficiuntur, a foetore, ægrorum lectis assidentes, etiam & meditatione, evadunt quoque *Melancholici*.

MILITES, a fordibus & foetore in castris, a cibis falsis & aquis corruptis, *Dysenterias* & *Amphimerinam Hungaricam* contrahunt. A frigore aquoso in campis, *Nostalgiam*, cibis falsis absque exercitio, *Scorbutum* sentiunt.

NAUTÆ, inprimis qui ad Indias navigant, ab aqua corrupta, *Diarrhæis* & *Dysenteriis*; ab elemento humido & cibo falso cum quiete, *Scorbuto*: A foetore aquæ alcalinæ navis, febribus inficiuntur exanthematicis, a fructibus Indicis insuetis, nimia copia assumtis, *Dysenteriam* patiuntur & *Choleram*.

DOCIMASTÆ, a cupellatione, scorificatione & fusione, oculos lædunt, unde *Caligo*, ex nidore osium, *Cephalalgia*, a probatione ferri, illud in aqua exstingvendo, *Amaurosis*. A fumo Saturni, cupellatione incautius hausto, *Colicam* saturninam habent.

CHEMICI a fumo hydrargyri, vitrioli, similiumque, sæpe *Tusses*, *Peripneumonias*, *Vertigines* sentiunt.

METALLURGI, a pulvere minerali, pectoris laborant morbis, raro longævi, sæpe *Phthisici*.

PLUMBARII qui calcinando plumbum, purificant





argentum, a fumo Saturni, incurrunt *Colicam saturninam*, cum *alvo constipatissimo & Paræsi*.

CERUSSARII, qui spiras plumbeas vaporis acetii in carcerato solvunt, corripuntur *Contractura* digitorum, manuum, brachiorum, totiusque denique corporis, cum *Arthritide fixa*, nullo artificio debellanda, idque intra paucos annos, unde & duplex iliis, aut triplex datur quotidianum fostrum, cum brevior, tantum tempore perdurent.

STANNARII sæpius, observante Ramazino, fiunt anhelosi.

CUPRARII, sæpe procedente Ætate virides crines ec dentes obtinent. Tirones nondum ad-  
sueti, *Vomitum* aut *Diarrhœas* sentiunt, communiter vero ab ictibus mallei *Surdastri* sunt.

FERRARI pariter a mallei ictibus sunt *Surdastri*, a ponderibus elevandis *Rigidi*, ab igne violento & lucido *Lippi* aut *Cæci*.

CHALYBEARII, maxime ubi in furno ferrum ustulatur, sæpe caliginosi fiunt a sedendo ad *Ustriam*.

MERCURIII fossiores, sæpius laborant *Labario* seu dentium casu. Fumus Mercurii, nervos corripit, unde *Tremores*, *Paralyses*, *Vertigines*, quibus sæpe intra dimidium anni correpti, triennium vix superant.

JATRALIPTÆ, antiquitus, *Tremorem* sentiebant manuum, unde nunc Chirurghi ægrotantes, ipsos illitiones Mercuriales instituere jubent.

INAURATORES, in amalgamatione qua ar-  
gen-



gentum obducunt; Mercurius igne ascendens corripit; eosque *Stupidos* sæpe, *Paralyticos*, *Surdos*, *Mutos*, *Asthmaticos*, facit.

TYPIFOSSRES ex fumo antimonii, saturni, cetera, morbis *Nervinis* obnoxii fiunt. *Stupore manuum*, *Spasmo*, *Contractura*, *Colica saturnina*, *Vomitu* vexari solent.

PICTORES, alios colerando, sæpe *decolores* ipsi evadunt, forte quod ore sæpius abstergant penicillum, cupro, *mercurio*, reliquis metallicis infectum, a flexura obliqua corporis maxime ubi tectis pingendis occupantur, *Colica* pictorum laborare solent.

LAPICIDÆ, a pulvillis lapideis pulmoni illabentibus, *Tussim* calculosam incurrunt. Vesica in officinis eorum suspensa & arte clausa totum sæpe pulveris pugillum continet, quem inde constat esse penetrantissimum. In Orsa Dalekarlorum, ubi coctes cæduuntur majores, raro vix quispiam annorum attingit 40., *Pbthisi* enim plerique intra 30 annos moriuntur.

LITHANTRACIS FOSSORES, qui a teneris inter arctissima cædere Lithanthracis strata consuefeunt, toto fiunt corpore ad alterum latus, per flexionem continuam *Distorti*.

GYPSARII sive CALCARII, *Tusses* ex pulvisculis sentiunt horrendas, *Labia ulcerosa*, cum calx exstingvatur, *Manusque* habent *Rugosas*, sed vix unquam *Scabiosas*.

MURARII qui in loco versantur humido, ut illi qui justo citius concamerationem novam lapidibus &



calce exstructam habitare audent, in Hæmitritam incidunt, sæpe lethalem.

FIGULI *Cachectici* fiunt & *Decolores*, a loco humido cum argilla humedata; *Rheumatici* manibus pedibusque a calcando argillam frigidam, *Contractura* affliguntur manuum, a calcinatione plumbi pro vitificatione.

SALINARII, *Scorbutici* fiunt, ut plerisque observatum est locis, & *Lippi*, testante Behrn.

OENOPOEI, ab halitu spirituofo cellulæ, *Veternosi*, & *Vertiginosi*. Qui adstant vindemia, vel centies de die mingunt urinam tenuem, quod singulare. Ab urina nimia evadunt *Tristes*, & *Macilenti*.

COQUI, a foco demum laborant *Amblyopia*.

FORICARII facile omnes, a fœtore summo, *Lippi* & *Cæcutientes* evadunt, atque præ dolore oculorum vix quatuor horas de die laborando transigere queunt, sedentque postea per totum diem in loco obscuro, tepida oculos aqua abluentes, fœtor enim adeo est corrosivus, ut vasa inde argentea atque cuprea nigrescant, vixque purgari inde queant. Et hæc quidem observatio primam doctissimo *Ramazzino* librum tantopere antea laudatum, consignandi dedit occasionem. Hinc Litterati & quotquot oculos suos conservare student, purum in conclavibus suis servant odorem, nec oculis matula impura noceat.

VESPILONES plerumque omnes, sunt *Luridi*, *Cachectici*, & *Febribus acutis* expositi. Alphixia quoque, uno momento pereunt, si sepulcra diu inclusa, intrant incauti. B LA.



**LANIONES** qui vapores pecorum excoriatum tepidos quotidie attrahunt, *Ferociores* evadunt atque ad pugnandam acres, & *Immites*, unde etiam Londini nemini Lanionum in causa capitali Judicem agere est permissum.

**CORIARII** omnes fere *Luridi* sunt foetore, uti etiam *Anbelosi*.

**LOTRICES** *Cachexiam* habent a lixivii noxio odore; *Oedema* a stando in aquis. *Dysmenorrhœa* ab aqua frigida; *Paronychiam* a sapone, nec non a calore & frigore digitorum alterno, *Rhagades* manuum.

**BALNEATORES** a loco humido calido, & defectu aëris liberi, evadunt *Cachectici*, *Pallidi* *Luridi*.

**OLEARII** æque ac illi qui lampadibus utuntur, pravo oleo, vel candelis, sebo non satis bono, *Stupores*, *Cephalalgias* & *Vertigines* sentiunt. Pessime vero valent qui in Italia e nucibus juglandis oleum exprimunt.

**CANDELARII** a liquefacti sebi pessimo foetore, obnoxii *Cephalalgia*, *Nausea*, *Vomitu*.

**FULLONES**, ab odore saponis, urinæ, olei, quo purgant lanificia *Cachexiam*, *Dyspnœam*, *Tussim*, *Anorexiam* reportant.

**AMYLOPOEI**, Triticum aqua in vase lapideo macerant ad germinationem, quod dein nudis pedibus teritur, ut inde massam manibus pressam colligant, succum sole exsiccant, unde foetor exsurgit horrendus, ut aliquando, ne suffocentur, cogantur intermittere; corripiuntur hi *Cephalalgia*, *Tussi*, *Dyspnœa*.

**MOLITORES**, a farina volatili *Phtisici*, & ab eadem, pulmones intrante, *Asthmatici* & *Hydropici*, ut & a rotarum sono *Surdastri*.



**PISTORES**, similiter a farina *Rauci*, *Anbelosi*, *Asthmatici*; Manus plerumque habent majores, exercitium enim membrum magnificat.

**CRINIUM** adscititiorum artifices, pariter a farina *Anbelosi* fiunt, & a pulvere, *Caliginosi*.

**CRIBRATORES** e pulvere, mota fruge, exsurgente, *Ortopnoici*, *Anbelosi*, *Hydropici*, ab acaris vero *Pthiriosi* & *Scabiosi*.

**CARMINATORES**, a lini seu cannabis pulvere *Pallidi*, *Anbelosi*, *Asthmatici*, a floccis *Lippi*. Carminatores folliculorum serici, raro consenescent, particulæ enim *Bombycis* acres, corrosivæ sunt, unde integræ familiæ sæpe *Pthirisi* pereunt & *Tussi* infestantur.

**CARBONARII**, a pulvere carbonum irresolubili, intra pulmones recepto, *Pallidi*, *Tussiculosi*, *Asthmatici*, *Pthiriosi*.

**ÆDILES**, a labore ponderoso, *Curvi*, dorso labore fracto, unde *Dolor Dorsi* & *femorum*, a ponderibus pressio sanguine minimorum vasculorum, *Ischiadici*, & a summis ponderibus elevandis, *Herniosi*.

**BAIULI**, portando onera, a curvato in fornacem corpore, evadunt *Curvi*, a ponderibus *Herniosi*, a distento sub portandum pulmone, *Asthmatici*.

**SUTORES**, *Curvi*, *Gibbosi*, genibus inflexis *Claudicantes*, a continua flexione, his brachia crassa, & Thoracis muscoli robusti; Labor enim præcordia firmat.

**SARTORES** incedunt gressu gradatorio, a compressis pedibus sub sedendo, *Dorsoque curvi* sunt. Nobiliores nostræ puellæ, jam ad arculum acuminatas lacinias consuendo, exercentur; unde omoplati distentis, *Gibbose* evadunt. Caveant itaque, quæ sapiunt.

**TEXTORES**, a pressione abdominis incurrunt *Obstructiones Viscerum*, *Lien* & *Hepar* habent *schirrosum*.

**TEXTRICES**, a pressione sanguinis versus uterum *Lasciviores*: sæpe *Hæmorrhagia* laborant uteri. A pressione femorum *Dolores Ischiadici*. SAL-



SALTATRICES, sæpe Dysmenorrhœa laborant, roborato utero, teste Ramazino.

CURSORES, currendo, *Præcordia* labefactant, *Cor* exagitant, *Pulmones* distendunt. His sæpe dolet *Latus sinister*, liene tumido. *Herniosi* sæpe exultatione, *Asthmatici* a distentis pulmonibus.

EQUISONES, *Calculosi*, ab exagitatis & defatigatis renibus, *Libidinosi* a concussione genitalium. Adveniunt *Hærmorrhoides*, a frictione & concussione Ani. *Hæmaturia*, rigido corpore concussio.

CANTORES, *Herniosi*, uti Infantes multum ejulantes, & musici Bassum inflantes, *Hæmopthyisi*, a sanguine ad Trachæam presso. *Oculi rubri* a vociferatione, *Rauedo* & *Angina* a labore partis, ut equi agilissimi primum claudicantes, *Tinnitus* seu palpitatio Temporum & pulsatio cerebri, a distentis vasis.

CANTRICES sæpius Dysmenorrhœa laborant, forte a derivato sanguine ad superiora.

ÆDITUI apud Indos, qui stentoria voce horas proclamabunt, plerumque evadunt *Cæci*, observante Kœmpfero.

§. IV.

*Ut paucis me expediam :*

STATARII artifices, quemadmodum etiam Cubicularii Regii, & veterum Haruspices, qui per totum diem stabunt, *Pedes varicosos*, & demum *ædematosos*, habent. *Varico* us fiet Haruspex. Martialis.

SEIDENTARII, ut & Litterati, Assessores muneribus præclari, *Obstipata* sæpe alvo laborant; motus enim auget excretiones, quies vero retardat. Ab obstipatione, uti etiam ab angulo recto vasorum iliacorum sub sedendo, *Hæmorrhoidarii* fiunt.

PULVERI expositi, omnes fere *Anbelosi* & *Tussiculosi*.

FOETIDO loco constituti, omnes *Pallidi* & *Cachectici*, *Oculis debilitatis*.

LABOR moderatus, magnificat membrum, nimius vero destruit, parcius, debilitat.

TANTUM.